



ՀԵՌՈՒՄՏԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎ

ՈՐՈՇՈՒՄ

16 ապրիլի 2026 թվականի թիվ 38-Ա

ք. Երևան

«ԱՅՆԵԹ» ՍՊ ԸՆԿԵՐՈՒԹՅԱՆ ՆԿԱՏԱՄԱԲ ՎԱՐՉԱԿԱՆ ՏՈՒՅԺ ԿԻՐԱՌԵԼՈՒ ՄԱՍԻՆ

Հեռուստատեսության և ռադիոյի հանձնաժողովն (այսուհետ նաև՝ Հանձնաժողով), ուսումնասիրելով 2026 թվականի մարտի 24-ին իր նախաձեռնությամբ հարուցված թիվ 7 վարչական վարույթի նյութերը, պարզեց.

Հանձնաժողովը «Տեսալսողական մեդիայի մասին» օրենքով (այսուհետ նաև՝ Օրենք) իրեն վերապահված վերահսկողական գործառույթներն իրականացնելիս արձանագրել է «ԱՅՆԵԹ» ՍՊ ընկերության (այսուհետ նաև՝ ցանցային օպերատոր կամ Ընկերություն) կողմից առանց համապատասխան իրավական հիմքերի՝ պայմանագրերի, տեսալսողական ծրագրերը վերահաղորդելու Օրենքի դրույթների պահանջի առերևույթ խախտման հատկանիշներ:

Հանձնաժողովը, հիմք ընդունելով Հանձնաժողովի նախագահի 2026 թվականի մարտի 19-ի թիվ 12-Ա հրամանի հիման վրա օպերատորների գործունեության տեղում դիտարկման արդյունքների վերաբերյալ 2026 թվականի մարտի 24-ին կազմված արձանագրությունը (այսուհետ՝ Արձանագրություն) և ղեկավարվելով «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի բ) կետով, 2026 թվականի մարտի 24-ին ցանցային օպերատորի նկատմամբ հարուցել է թիվ 7 վարչական վարույթը:

Համաձայն Օրենքի 42-րդ հոդվածի 18-րդ մասի՝ Արձանագրությունը կարող է հիմք հանդիսանալ վարչական վարույթ հարուցելու համար, իսկ հարուցված վարչական վարույթի շրջանակներում ծառայել որպես վարչական վարույթի ապացույց:

Օրենքի 42-րդ հոդվածի 11-րդ մասի համաձայն՝ մշտադիտարկման արդյունքների մասին արձանագրությունն ուղղակի դիտարկում իրականացնելու դեպքում ստորագրում է մշտադիտարկում իրականացրած անձը, իսկ օպերատորի մոտ տեղում դիտարկում իրականացնելու դեպքում ստորագրում է կարգավորող պետական մարմնի և օպերատորի ներկայացուցիչը:

Օրենքի 42-րդ հոդվածի 15-րդ մասը, ի թիվս այլնի, սահմանում է, որ եթե օպերատորի ղեկավարը կամ ղեկավարին փոխարինելու իրավունք ունեցող անձը տեղում դիտարկման վայրում չէ, ապա արձանագրության երկրորդ օրինակն առաքվում է փոստով:

Կազմված Արձանագրությունը 2026 թվականի մարտի 24-ի թիվ Ե/03/03.1/213-26 գրությամբ ուղարկվել է Ընկերությանը:

Ըստ Արձանագրության՝ «ԱՅՆԵԹ» ՍՊ ընկերության կողմից վերահաղորդվող տեսալսողական ծրագրերի մշտադիտարկման արդյունքում պարզվել է, որ ցանցային օպերատորի կողմից վերահաղորդվում են հետևյալ տեսալսողական ծրագրերը՝ «Շեմ», «Հ2», «REN TV», «CTC Kids», «5-ий канал», «Bridge», «Bridge Русский Хит», «Bridge Hits», «Bridge Classic», «Перец» և «ТВИ»:

Հանձնաժողովի ծրագրերի մոնիտորինգի և վերահսկողության վարչությունն իրականացրել է Արձանագրությունում նշված վերահաղորդվող տեսալսողական ծրագրերի և ցանցային օպերատորի կողմից Հանձնաժողով ներկայացված վերահաղորդվող տեսալսողական ծրագրերի ցանկի համադրություն, որի արդյունքում պարզվել է, որ «ԱՅՆԵԹ» ՍՊ ընկերության կողմից ներկայացված վերահաղորդվող տեսալսողական ծրագրերի ցանկում, բացի փաստացի վերահաղորդվող ծրագրերից, առկա են նաև «Ազատություն», «Երկիր Մեդիա» և «ARMOUNT TV» տեսալսողական ծրագրերը, որոնք արձանագրություն կազմելու պահին չեն վերահաղորդվել, ինչն արգելված չէ օրենքով և չի խախտում այլոց իրավունքները:

Միաժամանակ պարզվել է, որ «ԱՅՆԵԹ» ՍՊ ընկերության կողմից ներկայացված վերահաղորդվող տեսալսողական ծրագրերի ցանկում առկա չեն «Շեմ», «Рен ТВ», «CTC kids», «5-ый канал», «Bridge», «Bridge русский хит», «Bridge Hits», «Bridge classic», «Перец» և «ТВИ» տեսալսողական ծրագրերը, որոնք փաստացի վերահաղորդվել են Արձանագրությունը կազմելու պահին:

Վերոնշյալը պարունակում է Օրենքի 49-րդ հոդվածի 1-ին և 5-րդ մասերով սահմանված պահանջների առերևույթ խախտման հատկանիշներ:

Հանձնաժողովը հարուցված վարչական վարույթի մասին 2026 թվականի մարտի 25-ին թիվ Ե/04/04.1/219-26 գրությամբ ծանուցել է ցանցային օպերատորին և հայտնել, որ այս հարցի վերաբերյալ կարող են ներկայացնել իրենց պարզաբանումները և բացատրությունները:

Ցանցային օպերատորը նշված գրության և հարուցված վարչական վարույթի վերաբերյալ 2026 թվականի մարտի 31-ին ներկայացրել է պարզաբանում, որում նշել է, որ «Շողակաթ» տեսալսողական ծրագրի հեռարձակողն է եղել «Հոգևոր-մշակութային հանրային հեռուստաընկերություն» ՓԲ ընկերությունը, և որի հետ «ԱՅՆԵԹ» ՍՊ ընկերությունն ունի վերահաղորդման իրավունքի պայմանագիր: Իսկ Հանձնաժողով ներկայացված վերահաղորդվող տեսալսողական ծրագրերի ցանկում բացակայած «PEH TB», «CTC Kids», «5-ый канал», «Bridge», «Bridge русский хит», «Bridge Hits», «Bridge classic», «Перец», «ТВИ» տեսալսողական ծրագրերի հեռարձակողն է «ԹԻ ՎԻ ԿՈՆՏԵՆՏ» ՍՊ ընկերությունը, որի հետ ցանցային օպերատորն ունի ձեռք բերված համաձայնությունների վերաբերյալ Հուլի 2025 թ. հունիսին քննարկման փուլում է: Նաև խնդրել է տրամադրել ժամանակ վերոնշյալ բաղադրումները լրացնելու համար:

Միաժամանակ ցանցային օպերատորը վերոնշյալ պարզաբանումներին կից Հանձնաժողով է ներկայացրել նաև «Հոգևոր-մշակութային հանրային հեռուստաընկերություն» ՓԲ ընկերության և «ԱՅՆԵԹ» ՍՊ ընկերության միջև 08.01.2025թ. կնքված «Վերահեռարձակման իրավունքի տրամադրման մասին» պայմանագրի և «ԹԻ ՎԻ ԿՈՆՏԵՆՏ» ՍՊ ընկերության և «ԱՅՆԵԹ» ՍՊ ընկերության միջև 01.03.2025թ. «Ձեռք բերված համաձայնությունների վերաբերյալ» հուլի 2025 թ. պատճենը:

Հանձնաժողովի հիմնավորումները (պատճառաբանությունը) և եզրահանգումը.

Վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն արձանագրում է.

Օրենքի 2-րդ հոդվածի 1-ին մասը սահմանում է.

«Հայաստանի Հանրապետության տեսալսողական մեդիայի մասին օրենսդրությունը ներառում է Հայաստանի Հանրապետության Սահմանադրությունը, սույն օրենքը, «Չանգվածային լրատվության մասին», «Էլեկտրոնային հաղորդակցության մասին», «Հեղինակային իրավունքի և հարակից իրավունքների մասին», «Լեզվի մասին», «Գովազդի մասին» օրենքները, Հայաստանի Հանրապետության ընտրական օրենսգիրքը, կարգավորող պետական մարմնի իրավական ակտերը, տեսալսողական մեդիայի ոլորտը կարգավորող այլ իրավական ակտեր և Հայաստանի Հանրապետության միջազգային պայմանագրերը:»:

Օրենքի 32-րդ հոդվածի 1-ին մասի 14-րդ կետի համաձայն՝ Հանձնաժողովը իրականացնում է Հեռարձակողների և օպերատորների գործունեության մշտադիտարկում:

Օրենքի 42-րդ հոդվածի 1-ին մասի համաձայն՝ Հեռարձակողների գործունեության մշտադիտարկումն իրականացվում է ուղղակի դիտարկման, իսկ օպերատորի դեպքում՝ նաև տեղում դիտարկում իրականացնելու միջոցով, իսկ նույն հոդվածի 8-րդ, 9-րդ և 11-րդ մասերը սահմանում են.

«8. Մշտադիտարկման արդյունքներով կարգավորող պետական մարմնի ներկայացուցիչը մշտադիտարկման արդյունքների վերաբերյալ կազմում է արձանագրություն:

9. Մշտադիտարկման արդյունքների վերաբերյալ արձանագրության մեջ նշվում են մշտադիտարկման արդյունքների համառոտ շարադրանքը, ինչպես նաև վարչական վարույթ հարուցելու կամ հարուցված վարչական վարույթի համար Էական նշանակություն ունեցող բոլոր փաստական հանգամանքները, այդ թվում՝ վարույթի մասնակիցների օգտին առկա հանգամանքները:

11. Մշտադիտարկման արդյունքների մասին արձանագրությունն ուղղակի դիտարկում իրականացնելու դեպքում ստորագրում է մշտադիտարկում իրականացրած անձը, իսկ օպերատորի մոտ տեղում դիտարկում իրականացնելու դեպքում ստորագրում է կարգավորող պետական մարմնի և օպերատորի ներկայացուցիչը:»:

Օրենքի 49-րդ հոդվածի 1-ին և 5-րդ մասերը սահմանում են.

«1. Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը ցանցային օպերատորի լիցենզիա ստացած անձի կողմից կարող են վերահաղորդվել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

5. Վերահաղորդվող տեսալսողական ծրագրերի յուրաքանչյուր փոփոխության վերաբերյալ ցանցային օպերատորը տեղեկացնում է կարգավորող պետական մարմնին:»:

Օրենքի 60-րդ հոդվածի 8-րդ մասի համաձայն՝ սույն օրենքն ուժի մեջ մտնելուց հետո ցանցային օպերատորները կարգավորող պետական մարմնին տեղեկություն են ներկայացնում իրենց ցանցում վերահաղորդվող տեսալսողական ծրագրերի մասին:

«Հեղինակային իրավունքի և հարակից իրավունքների մասին» օրենքի 39-րդ հոդվածի 1-ին մասի համաձայն՝ այլ անձինք ստեղծագործությունը կարող են օգտագործել միայն ստեղծագործության նկատմամբ գույքային իրավունքները կրող անձի (ստեղծագործության հեղինակ կամ այլ անձ, որին այդ իրավունքներն անցել են օրենքով սահմանված կարգով, այսուհետ՝ իրավատեր) թույլտվությամբ՝ հեղինակային պայմանագրի հիման վրա, եթե սույն օրենքով այլ բան նախատեսված չէ:

Նույն օրենքի 65-րդ հոդվածի 1-ին մասի համաձայն՝ սույն օրենքով պահպանվող ստեղծագործության կամ դրա Էական մասի կամ հարակից իրավունքների օբյեկտի ցանկացած օգտագործում անօրինական է, եթե նախապես, մինչև նման օգտագործումը

ձեռք չի բերվել հեղինակային իրավունքի կամ հարակից իրավունքների իրավատիրոջ թույլտվությունը:

Հիմք ընդունելով տեսալսողական մեդիայի բնագավառը կարգավորող օրենսդրությունը, ինչպես նաև վերոգրյալ իրավական հիմնավորումները՝ Հանձնաժողովն արձանագրում է.

ցանցային օպերատորը տեսալսողական ծրագրերը վերահաղորդելիս պարտավոր էր պահպանել Օրենքի սահմանող դրույթները:

Քննարկվող համատեքստում հատկանշական է, որ ցանցային օպերատորը 2023 թվականից հանդիսանում է Հանձնաժողովի կողմից լիցենզավորված իրավաբանական անձ ըստ մասնատարածքը՝ Հայաստանի Հանրապետություն, լիցենզիայի գործողության ժամկետը՝ 08.12.2023թ.- 08.12.2033թ., սերիան և համարը՝ ԿՀ N 354:

Հանձնաժողովը հարկ է համարում արձանագրել, որ ցանցային օպերատորն, ի թիվս այլնի, պատասխանատվություն է կրում տեսալսողական մեդիայի բնագավառը կարգավորող օրենսդրության պահանջների կիրարկման ապահովման համար: Ավելին, վերջինս պետք է հաշվի առնի այն հանգամանքը, որ օրենսդրական պահանջները չպահպանելն առաջացնում է իրավական հետևանքներ:

Տվյալ դեպքում ցանցային օպերատորը պարտավոր էր պահպանել Օրենքի 49-րդ հոդվածի 1-ին մասով սահմանված դրույթի պահանջը:

Այսպես, հիմք ընդունելով Օրենքի դրույթները և ձեռք բերված փաստերը՝ արձանագրում ենք.

«ԱՅՆԵԹ» ՍՊ ընկերության ներկայացված վերահաղորդվող տեսալսողական ծրագրերի ցանկում առկա չեն «Շեն», «Рен ТВ», «СТС kids», «5-ий канал», «Bridge», «Bridge русский хит», «Bridge Hits», «Bridge classic», «Перец» և «ТВИ» տեսալսողական ծրագրերը, որոնք փաստացի վերահաղորդվել են Արձանագրությունը կազմելու պահին:

Վերոգրյալի համատեքստում Հանձնաժողովը ևս մեկ անգամ արձանագրում է, որ ցանցային օպերատորի լիցենզիա ստացած անձի համար Օրենքի 49-րդ հոդվածի 1-ին մասով պարտավորություն է սահմանված Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը վերահաղորդել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

Հանձնաժողովն ուսումնասիրել է ցանցային օպերատորի կողմից ներկայացված պարզաբանումները և դրանց կից փաստաթղթերը, որի արդյունքում պարզվել է հետևյալը.

1. «Շեն» տեսալսողական ծրագրի իրավատերը չի հանդիսանում «Հոգևոր-մշակութային հանրային հեռուստաընկերություն» ՓԲ ընկերությունը: Ուստի «Հոգևոր-մշակութային հանրային հեռուստաընկերություն» ՓԲԸ և «ԱՅՆԵԹ» ՍՊԸ միջև 08.01.2025թ. կնքված «Վերահեռարձակման իրավունքի տրամադրման մասին» պայմանագիրը սույն վարույթի շրջանակում չի հանդիսանում վերաբերելի ապացույց:

2. «ԹԻ ՎԻ ԿՈՆՏԵՆՏ» ՍՊԸ և «ԱՅՆԵԹ» ՍՊԸ միջև 01.03.2025թ. «Ձեռք բերված համաձայնությունների վերաբերյալ» հուշագրի համաձայն՝ ցանցային օպերատորն իրավունք ունի վերահաղորդելու նաև «РЕН ТВ», «СТС Kids», «5-ий канал», «Bridge», «Bridge русский хит», «Bridge Hits», «Bridge classic», «Перец» և «ТВИ» տեսալսողական ծրագրերը մինչև պայմանագրի կնքումը, որն ըստ հուշագրի պետք է ստորագրվեր 2025 թվականի սեպտեմբերին: Սակայն ցանցային օպերատորը Հանձնաժողով չի ներկայացրել նշված ծրագրերի վերահաղորդման իրավունքը հավաստող պայմանագիրը:

Հաշվի առնելով ողջ վերոգրյալը՝ Հանձնաժողովն արձանագրում է, որ ցանցային օպերատորի պարգաբանումները, ներկայացված պայմանագիրն ու հուշագիրը բավարար չեն հավաստելու նշված տեսալսողական ծրագրերը ցանցային օպերատորի կողմից վերահաղորդելու իրավունքը և հիմք չեն կարող հանդիսանալ Հանձնաժողովի կողմից Օրենքի դրույթներով սահմանված իրավախախտումը չարձանագրելու և ցանցային օպերատորի նկատմամբ վարչական պատասխանատվության միջոց չկիրառելու համար:

Հարկ է նշել նաև, որ «ԱՅՆԵԹ» ՍՊ ընկերությունը փաստացի ընդունել է իրավախախտման փաստն առ այն, որ վերը նշված տեսալսողական ծրագրերը վերահաղորդել է առանց համապատասխան իրավական հիմքերի՝ պայմանագրերի:

Հետևաբար արձանագրում ենք, որ «ԱՅՆԵԹ» ՍՊ ընկերության կողմից «Շեմ», «Рен ТВ», «СТС kids», «5-ый канал», «Bridge», «Bridge русский хит», «Bridge Hits», «Bridge classic», «Перец» և «ТВИ» տեսալսողական ծրագրերը վերահաղորդվել են առանց համապատասխան իրավական հիմքերի՝ պայմանագրերի:

Օրենքի 32-րդ հոդվածի 1-ին մասի 11-րդ կետի համաձայն՝ կարգավորող պետական մարմինը՝ Օրենքի խախտման կամ իր որոշումները չկատարելու դեպքում կիրառում է պատասխանատվության միջոցներ:

Օրենքի 55-րդ հոդվածի 1-ին մասի համաձայն՝ կարգավորող պետական մարմնի կողմից տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու, ինչպես նաև պետական այլ մարմինների կողմից իրենց իրավասությունների շրջանակում տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու և դրանց մասին կարգավորող պետական մարմնին գրավոր տեղեկացվելու դեպքում կարգավորող պետական մարմինը կիրառում է հետևյալ վարչական տույժերը.

- 1) գրավոր նախազգուշացում.
- 2) տուգանք.
- 3) հեղինակագորման կամ լիցենզիայի գործողության կասեցում.
- 4) հեղինակագորման կամ լիցենզիայի գործողության դադարեցում:

Օրենքի 57-րդ հոդվածի 6-րդ մասի համաձայն՝ ցանցային օպերատորի կողմից առանց պայմանագրի վերահաղորդում իրականացնելը՝

առաջացնում է տուգանքի նշանակում՝ Հասույթի 0.04 տոկոսի, բայց ոչ պակաս, քան սահմանված նվազագույն աշխատավարձի հիսնապատիկի չափով:

Ելնելով վերոգրյալից, հիմք ընդունելով «Տեսալսողական մեդիայի մասին» օրենքի 2-րդ հոդվածի 1-ին մասը, 32-րդ հոդվածի 1-ին մասի 11-րդ և 14-րդ կետերը, 42-րդ հոդվածի 1-ին, 8-րդ, 9-րդ և 11-րդ մասերը, 49-րդ հոդվածի 1-ին մասը, 55-րդ հոդվածի 1-ին մասի 2-րդ կետը, «Հեղինակային իրավունքի և հարակից իրավունքների մասին» օրենքի 39-րդ հոդվածի 1-ին և 65-րդ հոդվածի 1-ին մասերը և ղեկավարվելով Օրենքի 57-րդ հոդվածի 6-րդ մասով՝ Հեռուստատեսության և ռադիոյի հանձնաժողովը

Ո Ր Ո Շ Ե Ց

1. «ԱՅՆԵԹ» ՍՊ ընկերության նկատմամբ կիրառել «Տեսալսողական մեդիայի մասին» օրենքի 57-րդ հոդվածի 6-րդ մասով սահմանված տույժը՝ տուգանելով 54 306 (հիսունչորս հազար երեք հարյուր վեց) ՀՀ դրամի չափով:

2. Սույն որոշումն ուժի մեջ է մտնում այն «ԱՅՆԵԹ» ՍՊ ընկերությանը պատշաճ ձևով հանձնելու օրվան հաջորդող օրվանից:

3. Սույն որոշումն ուժի մեջ մտնելու պահից երկամսյա ժամկետում կարող է բողոքարկվել Հեռուստատեսության և ռադիոյի հանձնաժողով կամ ՀՀ վարչական դատարան:

**ՀԵՌՈՒՄՏԱՏԵՍՈՒԹՅԱՆ ԵՎ ՌԱԴԻՈՅԻ
ՀԱՆՁՆԱԺՈՂՈՎԻ ՆԱԽԱԳԱՀ**

Տ. ՀԱԿՈԲՅԱՆ

2026թ. ապրիլի 16
ք.Երևան